

Yac kom etuh?

- Mongolac luhn we acn uh sikyak ke sripen laf puhk kuh moklweyuck luhn lihkihn pot kuc weacn uh.
- Mongolac luhn we acn uh el elyah yohk se fin met uh muhsah lohm ac inkacnek fototo nuh weacn uh.
- Muhsah sasuc we an lasr uh el ma na sensen se nuh sin met uh ke pac se ma pahkah kuh noa luhlahp uh ac sikyak uh.
- Muhsalah luhn sea-wall in sang kasrihngihn we acn uh el ahk yohkyelihk mongollac luhn weacn uh.



Meac ac oracllah koluk nuh sum?

Ahksasuc kuh muhsah weacn uh:

- Usot elyah yohk nuh sum ac sou lom an ke pac se ma pahkah, noa luhlahp kuh mongolac luhn we acn el sikyak uh.
- Ahkyohkyelihk mongolac luhn we acn uh.
- Ahk kolukyelah kof uh, ik kuh ma orahkrahk inkof uh, ac oacyacpac moul wowo luhn sie met.



Muhsahlah luhn airport, causeway, ac circumferential road, el oracllah elyah yohk nuh ke weacn lasr uh. Muhsahlla luhn airport el pacnacng srikeni lun ik sruhu Okat misenge. Mokleyen lihkihn acn Tafunsak nuhke muhsahiyen innec we, oracllah elya yok sikyak nuhke weacn we, suc pacnacng pac mani na luhlahp sisilac nuke seawall ac kuhtuh pac oiyac sahyac in karihngihn weacn we.



Meac kom kuh in oruh?

In kahsrh ahksrihkyelah elyah ma pahkah kuh noa luhlahp uh oruh nuhke weacn lom ac sou lom an:

- Kahsrh – Tiac mokle sahk kuh mah muh kap weacn uh, kuh oan ke lusen fit 50 nuke weacn uh.
- Kahsrh – Muhsah sasuc in oan loes liki weacn uh ke lusen fit 100
- Kahsrh – Tiac muhsah ke acn ma ahlng uh fihsracsr inutyak na we.
- Kahsrh-muhsahi septic tank an in tia fototo nuh weacn uh ke lusen fit 50.



KOM AC EIS KAHSRUH OYAC.

In eis kasru ke muhsah weacn uh, srihke in pahngon Development Review Commission ke telephone nacmpuh 370 2076 ku tuku nuke office lasr uh fin acn Tofol.

Oasr pac pepuh kuh puk ke weacn lasr uh suc kom kuh in tuhkuh ac eis in kasrekom ahkyohkye etuh lom an.